



**ЗАСГИЙН ГАЗРЫН ХЯНАЛТ ХЭРЭГЖҮҮЛЭХ ГАЗАР**

**АРХАНГАЙ АЙМГИЙН ЗАСАГ ДАРГЫН ТАМГЫН ГАЗРЫН 2022 ОНЫ  
ҮЙЛ АЖИЛЛАГААНД ХИЙСЭН ХЯНАЛТ-ШИНЖИЛГЭЭ,  
ҮНЭЛГЭЭНИЙ ТАЙЛАН**

**УЛААНБААТАР  
2023 ОН**

## АГУУЛГА

НЭГ. ЗОРИЛГО .....	2
ХОЁР. ҮНДЭСЛЭЛ, АРГА ЗҮЙ .....	2
ГУРАВ. БОДЛОГЫН БАРИМТ БИЧГИЙН ХЭРЭГЖИЛТИЙН ҮНЭЛГЭЭ .....	3
3.1.Хууль тогтоомж, тогтоол шийдвэрийн биелэлтийн үнэлгээ .....	3
3.2 Засгийн газрын үйл ажиллагааны хөтөлбөрийн хэрэгжилтийн үнэлгээ .....	4
3.3.Аймгийг хөгжүүлэх таван жилийн үндсэн чиглэлийн хэрэгжилтийн үнэлгээ .....	5
3.4.Аймгийн Засаг даргын үйл ажиллагааны хөтөлбөрийн хэрэгжилтийн үнэлгээ.....	6
3.5.Аймгийн хөгжлийн жилийн төлөвлөгөөний хэрэгжилтийн үнэлгээ .....	7
3.6.Эдийн засаг, нийгмийн хөгжлийн үзүүлэлтийн биелэлтийн үнэлгээ .....	7
ДӨРӨВ. БАЙГУУЛЛАГЫН ЧИГ ҮҮРГИЙН ҮЗҮҮЛЭЛТИЙН ҮНЭЛГЭЭ .....	7
4.1.Засгийн газрын гишүүн аймгийн Засаг даргатай байгуулсан гэрээний үүргийн биелэлтийн үнэлгээ.....	7
4.2 Байгууллагын гүйцэтгэлийн төлөвлөгөөний хэрэгжилт.....	8
4.3.Төрийн албан хаагчийн сургалт, ажиллах нөхцөл, нийгмийн баталгааг хангах хөтөлбөрийн хэрэгжилтийн үнэлгээ .....	8
ТАВ. БАЙГУУЛЛАГЫН НЭЭЛТТЭЙ БАЙДЛЫН ҮНЭЛГЭЭ .....	9
5.1.Байгууллагын ил тод байдлын үнэлгээ .....	9
5.2.Шилэн дансны хөтлөлтийн үнэлгээ.....	9
5.3.Шударга байдлын түвшний үнэлгээ .....	10
5.4.Хэрэглэгчийн үнэлгээ.....	10
ЗУРГАА. ЗАСГИЙН ГАЗРЫН ТЭРГҮҮЛЭХ АЧ ХОЛБОГДОЛТОЙ ТӨСӨЛ, АРГА ХЭМЖЭЭНИЙ ГҮЙЦЭТГЭЛИЙН ҮНЭЛГЭЭ .....	10
6.1.Засгийн газрын тэргүүлэх ач холбогдолтой төсөл, арга хэмжээг үнэлэх шалгуур үзүүлэлтийн биелэлтийн үнэлгээ .....	10
ДОЛОО. ДҮГНЭЛТ .....	11
НАЙМ. ЗӨВЛӨМЖ .....	12

## АРХАНГАЙ АЙМГИЙН ЗАСАГ ДАРГЫН ТАМГЫН ГАЗРЫН 2022 ОНЫ ҮЙЛ АЖИЛЛАГААНД ХИЙСЭН ХЯНАЛТ-ШИНЖИЛГЭЭ, ҮНЭЛГЭЭНИЙ ТАЙЛАН

### НЭГ. ЗОРИЛГО

Энэхүү хяналт-шинжилгээ, үнэлгээний зорилго нь бодлогын баримт бичгийн хэрэгжилт, байгууллагын чиг үүргийн болон нээлттэй байдлыг хангахад чиглэсэн үйл ажиллагааны гүйцэтгэлийн үр дүнг хянах, үнэлэх, дүгнэлт зөвлөмж гаргах, цаашид шийдвэр гаргах түвшинд арга зүйн зөвлөгөө, дэмжлэг үзүүлэх, бодлого, үйл ажиллагааны төлөвлөлт, хэрэгжилт, тайлагналыг сайжруулж, улмаар түүний үр дүн, үр нөлөөг нэмэгдүүлэхэд оршино.

### ХОЁР. ҮНДЭСЛЭЛ, АРГА ЗҮЙ

Засгийн газар дахь хяналтын тухай хуулийн 17 дугаар зүйлийн 17.1.4 дэх хэсэгт заасан “хууль тогтоомж, бодлого, шийдвэрийн хэрэгжилтийг зохион байгуулах, тайлан, мэдээлэл ирүүлэх, явц, үр дүнд хяналт-шинжилгээ, үнэлгээ хийх, байгууллага, албан тушаалтны үйл ажиллагаа, үр дүнг үнэлж дүгнэх ажлыг зохион байгуулах, Засгийн газарт танилцуулах” гэж заасныг үндэслэл болгож хяналт-шинжилгээ, үнэлгээ хийв.

Бодлогын баримт бичгийн хэрэгжилт, байгууллагын үйл ажиллагааг үнэлэхдээ Засгийн газрын 2020 оны 206 дугаар тогтоолоор баталсан “Бодлогын баримт бичгийн хэрэгжилт, захиргааны байгууллагын үйл ажиллагаанд хяналт-шинжилгээ, үнэлгээ хийх нийтлэг журам”<sup>1</sup>, байгууллагын нээлттэй, ил тод байдлыг үнэлэхдээ Засгийн газрын 2022 оны 352 дугаар тогтоолоор баталсан “Нээлттэй мэдээллийг ил тод байлгах болон ил тод байдлын шалгуур үзүүлэлт тогтоох, үнэлгээ хийх журам”-ыг тус тус баримтлав.

Бодлогын баримт бичиг болон гүйцэтгэлийн төлөвлөгөөний зорилт, арга хэмжээний хэрэгжилтийг дээрх журмын 6.2.1-д зааснаар хувиар илэрхийлэн үнэлсэн, харин тоо, чанараар илэрхийлэх боломжгүй зорилт, арга хэмжээний хэрэгжилтийг мөн журмын 6.2.2-т заасан аргачлалаар, хууль тогтоомж, тогтоол шийдвэрийн хэрэгжилт болон байгууллагын ил тод байдлыг хангах үйл ажиллагааг дээрх журмын 6.3-д заасан аргачлалаар тус тус үнэлэв.

Шударга байдлын түвшний үнэлгээ, шилэн дансны хөтлөлтийн үнэлгээг “Бодлогын баримт бичгийн хэрэгжилт, захиргааны байгууллагын үйл ажиллагаанд хяналт-шинжилгээ, үнэлгээ хийх нийтлэг журам”-ын 9.6-д “Засгийн газрын Хэрэг эрхлэх газар жил бүр төрийн үйлчилгээний чанар, хүртээмжийн талаар хэрэглэгчийн үнэлгээ буюу судалгааг ... хийх ажлыг зохион байгуулна..”, 9.7-д “Авлигатай тэмцэх газраас гаргасан шударга байдлын түвшингийн үнэлгээ нь захиргааны байгууллагын үнэлгээний нэг үзүүлэлт болно”, 9.8-д “Шилэн дансны хөтлөлтийн үнэлгээг санхүү, төсвийн асуудал эрхэлсэн төрийн захиргааны төв байгууллага гаргаж, Засгийн газрын Хэрэг эрхлэх газарт 4 дүгээр сарын 1-ний өдрийн дотор хүргүүлнэ” гэж заасны дагуу Сангийн яамны “Төсвийн ерөнхийлөн захирагч нарын 2022 оны шилэн данс хөтлөлтийн байдалд хийсэн хяналт-шинжилгээ, үнэлгээний тайлан”, Авлигатай тэмцэх газрын “Шударга байдлын үнэлгээ” судалгааны тайлан, Засгийн газрын Хэрэг эрхлэх газрын захиалгаар IRIM судалгааны хүрээлэнгийн 2022 онд хийсэн “Төрийн бодлого, үйлчилгээний талаарх иргэдийн сэтгэл ханамжийн судалгаа”-ны дүнг тус тус үнэлгээнд оруулан тооцов.

Үнэлгээ хийх журамд заасны дагуу ерөнхий үнэлгээг тооцохдоо:

<sup>1</sup> Засгийн газрын 2021 оны 374 дүгээр тогтоолоор нэмэлт өөрчлөлт орсон

- ✓ бодлогын баримт бичгийн хэрэгжилтийн үнэлгээнд орсон 5 үзүүлэлтийн дундаж нь нийт үнэлгээний 50 хувь;
- ✓ байгууллагын чиг үүргийн үзүүлэлтийн үнэлгээнд орсон 3 үзүүлэлтийн дундаж нь нийт үнэлгээний 15 хувь;
- ✓ байгууллагын нээлтэй байдлын үнэлгээнд орсон 4 үзүүлэлтийн дундаж нь нийт үнэлгээний 20 хувь;
- ✓ Засгийн газрын тэргүүлэх ач холбогдолтой төсөл, арга хэмжээний гүйцэтгэлийн үнэлгээнд орсон 1 үзүүлэлт нь нийт үнэлгээний 15 хувь болно.

Бодлогын баримт бичгийн хэрэгжилтийн үнэлгээнд:

- Хууль тогтоомж, тогтоол шийдвэрийн биелэлт;
- Засгийн газрын үйл ажиллагааны хөтөлбөрийн хэрэгжилт;
- Аймгийн хөгжлийн жилийн төлөвлөгөөний хэрэгжилт;
- Аймгийн Засаг даргын үйл ажиллагааны хөтөлбөрийн хэрэгжилт
- Эдийн засаг, нийгмийн хөгжлийн үзүүлэлтийн биелэлт.

Байгууллагын чиг үүргийн үзүүлэлтийн үнэлгээнд:

- Засгийн газрын гишүүн аймгийн Засаг даргатай байгуулсан гэрээний үүргийн биелэлт;
- Байгууллагын тухайн жилийн гүйцэтгэлийн төлөвлөгөөний хэрэгжилт;
- Төрийн албан хаагчийн сургалт, ажиллах нөхцөл, нийгмийн баталгааг хангах хөтөлбөрийн биелэлт.

Байгууллагын нээлттэй байдлын үнэлгээнд:

- Байгууллагын ил тод байдал;
- Шилэн дансны хөтлөлт;
- Шударга байдлын түвшний үнэлгээ;
- Хэрэглэгчийн үнэлгээ.

Засгийн газрын тэргүүлэх ач холбогдолтой төсөл, арга хэмжээний гүйцэтгэлийн үнэлгээнд:

Засгийн газрын тэргүүлэх ач холбогдолтой төсөл, арга хэмжээг үнэлэх шалгуур үзүүлэлтийн биелэлтийн дүн зэрэг 13 үзүүлэлтийг тооцсон.

Бодлогын баримт бичгийн хэрэгжилт, захиргааны байгууллагын үйл ажиллагаанд хяналт-шинжилгээ, үнэлгээ хийхдээ тус аймгаас цаасан болон цахим хэлбэрээр ирүүлсэн тайланд тулгуурласны зэрэгцээ бусад холбогдох баримт бичиг, статистик мэдээлэлтэй зохих харьцуулалт хийж, 2021 онд өгсөн дүгнэлт, зөвлөмжийн хэрэгжилтийг харгалзан үзсэн болно.

## ГУРАВ. БОДЛОГЫН БАРИМТ БИЧГИЙН ХЭРЭГЖИЛТИЙН ҮНЭЛГЭЭ

### 3.1.Хууль тогтоомж, тогтоол шийдвэрийн биелэлтийн үнэлгээ

Тус аймгийн Засаг даргын эрхлэх асуудлын хүрээнд 2022 оны жилийн эцсийн байдлаар хууль болон УИХ-ын тогтоол, Ерөнхийлөгчийн зарлиг, Үндэсний аюулгүй байдлын зөвлөлийн зөвлөмж, Засгийн газрын тогтоол, хуралдааны тэмдэглэл, Засгийн газрын албан даалгавраар үүрэгжүүлэн өгсөн нийт 124 зүйл, заалтын хэрэгжилтийг хянан үзэж, **71.4 хувиар** үнэлэв.

Хүснэгт 1. Хууль тогтоомж, тогтоол шийдвэрийн хэрэгжилтийн үнэлгээний дүн, 2022 он

Эрх зүйн актын төрөл	Нийт	Үнэлгээ /заалтын тоо/			Хэрэгжээгүй	Дундаж үнэлгээ /хувь/
		Бүрэн хэрэгжсэн	Хэрэгжих шатанд	Хэрэгжилт хангалтгүй		

		100	70	30	0	
Монгол Улсын хууль	68	59	7	2	-	<b>94.9</b>
УИХ-ын байнгын хорооны тогтоол	4	3	1	-	-	<b>92.5</b>
Ерөнхийлөгчийн зарлиг	14	6	2	6	-	<b>65.7</b>
ҮАБЗ-ийн зөвлөмж	8	1	4	3	-	<b>58.8</b>
Засгийн газрын тогтоол	13	7	2	3	1	<b>71.5</b>
Засгийн газрын хуралдааны тэмдэглэл	17	6	8	3	1	<b>73.5</b>
<b>Нийт</b>	<b>124</b>	<b>82</b>	<b>24</b>	<b>17</b>	<b>2</b>	<b>71.4</b>
<b>Үнэлгээнд эзлэх хувь</b>	<b>100.0</b>	<b>66.1</b>	<b>19.4</b>	<b>13.7</b>	<b>0.8</b>	

Эх сурвалж: Засгийн газрын Хэрэг эрхлэх газар

Хууль тогтоомж, тогтоол шийдвэрийн холбогдох заалтуудаас хэрэгжилт хангалтгүй буюу эрчимжүүлэх шаардлагатай 17 заалт, хэрэгжээгүй дараах 2 заалт байна.

1) Засгийн газрын 2022 оны 419 дүгээр тогтоолын 4. “Хот, хөдөөгийн сэргэлтийн бодлогын хэрэгжилтийг эрчимжүүлэх талаар авах зарим арга хэмжээний тухай” 4 дүгээр заалт буюу “Улаанбаатар хотын хэт төвлөрлийг бууруулах, хот, хөдөөгийн хөгжлийн зохистой тэнцвэрийг хангах зорилгоор Дархан-Уул, Дорноговь, Дорнод, Орхон, Өмнөговь, Сэлэнгэ аймаг, нийслэлийн Багануур, Багахангай, Налайх дүүрэг хүн амынхаа тоог 20 хувиар, бусад аймаг 10 хувиар тус тус нэмэгдүүлэх бодлогын чиглэлийг баримталж, хэрэгжилтийг хангаж ажиллах;

2) Засгийн газрын 2022 оны 4 дүгээр сарын 20-ны өдрийн хуралдааны 24 дүгээр тэмдэглэлийн ХҮ.8.3. Хот, суурин газруудын хөгжлийн чиг хандлагыг харгалзан газрын тухай хууль тогтоомжид заасан хот, тосгон, бусад суурин, нийслэл хотын эдэлбэр газрын тэг гортигийг шинэчлэх асуудлыг судлан зохих арга хэмжээ авах. (Дэлгэрэнгүй мэдээллийг [www.new.unelgee.gov.mn](http://www.new.unelgee.gov.mn) цахим мэдээллийн сангаас харна уу.)

### 3.2 Засгийн газрын үйл ажиллагааны хөтөлбөрийн хэрэгжилтийн үнэлгээ

Монгол Улсын Засгийн газрын 2020-2024 оны үйл ажиллагааны хөтөлбөрийг хэрэгжүүлэх арга хэмжээний төлөвлөгөөнд тусгагдсан тус аймгийн Засаг даргын эрхлэх асуудлын хүрээний бодлогын 4 зорилт, 18 арга хэмжээний хэрэгжилтийн тайланг хянан үзэж, **57.8 хувиар** үнэлэв.

Хүснэгт 2. Засгийн газрын 2020-2024 оны үйл ажиллагааны хөтөлбөрийн 2022 оны хэрэгжилтийн үнэлгээ

Хэрэгжүүлсэн бодлого	Нийт	Үнэлгээ арга хэмжээний тоогоор				Дундаж үнэлгээ %/
		Үр дүнтэй	Тодорхой үр дүнд хүрсэн	Эрчимжүүлэх шаардлагатай	Үр дүнгүй	
Засаглалын бодлого	3	2	1	-	-	<b>96.7</b>
Нийслэл ба бүс, орон нутгийн хөгжлийн бодлого	6	-	4	2	-	<b>56.7</b>
Ногоон хөгжлийн бодлого	3	-	1	2	-	<b>56.7</b>
Эдийн засгийн бодлого	6	-	1	5	-	<b>40.0</b>
<b>Нийт</b>	<b>18</b>	<b>2</b>	<b>7</b>	<b>9</b>	<b>-</b>	<b>57.8</b>
<b>Үнэлгээнд эзлэх хувь</b>	<b>100.0</b>	<b>11.0</b>	<b>39.0</b>	<b>50.0</b>	<b>0.0</b>	

Эх сурвалж: Засгийн газрын Хяналт хэрэгжүүлэх газар

Засгийн газрын үйл ажиллагааны хөтөлбөрийн хүрээнд хэрэгжилт хангалтгүй буюу эрчимжүүлэх шаардлагатай дараах 9 арга хэмжээ байна:

1) [3.3.6] Малчдыг дэмжих анхдугаар аян зохион байгуулж, мал сүргийг гэмт халдлагаас хамгаалж, хөдөө аж ахуйн гаралтай түүхий эд боловсруулах үйлдвэрийг бүсчилсэн байдлаар байгуулан нэмүү өртөг шингэсэн бүтээгдэхүүнийг үйлдвэрлэн экспортолж, малчид, иргэдийн орлогыг нэмэгдүүлэх;

2) [3.7.4] Хүн амын нутагшилт, суурьшлын зохистой тогтолцоонд тулгуурлан бүсчилсэн хөгжлийн бодлого, бүс нутгийн оновчтой бүтэц, хөгжлийн ирээдүйтэй сууриныг тодорхойлж, агаарын тээвэр, авто зам, төмөр замын сүлжээнд холбох;

3) [3.7.5] Орхоны хөндийд шинэ хотын суурьшлын бүсийн байршлыг судалж, техник, эдийн засгийн үндэслэл боловсруулах;

4) [3.7.9] Хуримтлалын нэгдсэн санг байгуулан төр, хувийн хэвшлийн түншлэлд тулгуурлан 150 мянган өрх, айлыг орон сууцтай болоход дэмжлэг үзүүлж, орон сууцны хорооллыг барих ажлыг бүсчилсэн хөгжлийн үзэл баримтлалд тулгуурлан үе шаттай эхлүүлэх;

5) [3.7.12] Хот, суурины үерийн далан суваг, борооны болон хөрсний ус зайлуулах шугам сүлжээний ажлыг үе шаттайгаар хэрэгжүүлэх;

6) [5.1.4] Гэр хороолол болон аялал жуулчлалын бүсэд "Эко жорлон" арга хэмжээг хэрэгжүүлж, хөрсний бохирдлыг бууруулах;

7) [5.1.8] Уул уурхайн үйл ажиллагааны улмаас эвдэрч, олон жил орхигдсон 8 мянган га талбайг нөхөн сэргээх;

8) [6.2.5] Бүсийн хөгжлийн бодлоготой уялдуулан татварын шаталсан тогтолцоог хөгжүүлж, орон нутагт томоохон аж ахуйн нэгж салбараа байгуулахыг бодлогоор дэмжих;

9) [6.2.12] Сум, орон нутагт ажиллахаар анх удаа очиж байгаа багш, эмч, төрийн албан хаагчдыг орон байраар түр хангах цогц арга хэмжээг төвлөрлийг сааруулах бодлогын хүрээнд авч хэрэгжүүлэх.

### 3.3.Аймгийг хөгжүүлэх таван жилийн үндсэн чиглэлийн хэрэгжилтийн үнэлгээ<sup>2</sup>

Архангай аймгийг 2021-2025 онд хөгжүүлэх үндсэн чиглэлд 8 бүлэг, 20 зорилтын хүрээнд 103 арга хэмжээг хэрэгжүүлэхээр төлөвлөсөн байна. Тус үндсэн чиглэлийн 2022 оны хэрэгжилтийг хянан үзэж, **72.6 хувиар** үнэлэв.

Хүснэгт 3.Үндсэн чиглэлийн хэрэгжилтийн үнэлгээ, 2022 он

№	Үндсэн чиглэл	Зорилт	Арга хэмжээ	Биелэлтийн хувь						Дундаж үнэлгээ %/
				Үр дүнтэй	Тодорхой үр дүнд хүрсэн	Эрчимжүүлэх шаардлагатай		Үр дүнгүй		
				100	90	70	50	30	0	
1	Үндэсний нэгдмэл үнэт зүйл	1	5	-	4	-	-	-	1	<b>72.0</b>
2	Хүний хөгжил	4	17	-	8	6	2	-	1	<b>72.9</b>
3	Амьдралын чанар ба дундаж давхарга	2	9	-	7	2	-	-	-	<b>85.6</b>
4	Эдийн засаг	2	5	-	3	1	-	1	-	<b>74.0</b>
5	Засаглал	3	12	-	4	3	2	1	2	<b>58.3</b>
6	Ногоон хөгжил	1	12	-	7	2	2	1	-	<b>75.0</b>
7	Амар тайван, аюулгүй нийгэм	2	9	-	6	3	-	-	-	<b>83.3</b>
8	Орон нутгийн хөгжил	5	34	-	14	12	4	3	1	<b>70.3</b>
<b>Нийт</b>		<b>20</b>	<b>103</b>	-	<b>53</b>	<b>29</b>	<b>10</b>	<b>6</b>	<b>5</b>	<b>72.6</b>

Эх сурвалж: Засгийн газрын Хяналт хэрэгжүүлэх газар

Аймгийг хөгжүүлэх таван жилийн үндсэн чиглэлд тусгагдсан хэрэгжилт хангалтгүй буюу эрчимжүүлэх шаардлагатай 16, үр дүнгүй дараах 5 арга хэмжээ байна. Тухайлбал:

<sup>2</sup> Засгийн газрын 2020 оны 206 дугаар тогтоолын хавсралтаар баталсан "Бодлогын баримт бичгийн хэрэгжилт, захиргааны байгууллагын үйл ажиллагаанд хяналт-шинжилгээ, үнэлгээ хийх нийтлэг журам"-ын 7 дугаар хавсралтад заасны дагуу Аймаг, нийслэлийн Засаг даргын Тамгын газрын жилийн үйл ажиллагааны үнэлгээнд Аймаг, нийслэл, хотыг хөгжүүлэх таван жилийн үндсэн чиглэлийн хэрэгжилтийн үнэлгээ ороогүй болно.

1) [1.1.2] Орхон-Тамир, Хануй-Хүнүйн дурсгалыг түшиглэн "Төв Азийн түүх соёлын голомт судалгаа, сурталчилгаа, хамгаалалтын цогцолбор"-ыг, Зая гэгээний хийдийг түшиглэн "Төв Монголын байгаль-түүх-соёлын цогцолбор музей"-г тус тус байгуулах;

2) [2.3.1] Хөгжлийн бэрхшээлтэй хүн, ахмад настанд ээлтэй, хүртээмжтэй орчин нөхцөлийг бүрдүүлж, хөдөлмөр эрхлэх боломжоор хангах;

3) [4.1.1] "Цахим санхүү" арга хэмжээ хэрэгжүүлэх;

4) [5.1.2] Бодлого тодорхойлох, шийдвэр гаргах төвшинд иргэд, иргэний нийгмийн байгууллагуудын оролцоог хангах, төр, иргэний нийгмийн байгууллагын түншлэлийг хөгжүүлж, төрийн зарим чиг үүргийг гэрээний үндсэн дээр төрийн бус байгууллагуудаар гүйцэтгүүлэх;

5) [5.2.2] Төрийн байгууллага хоорондын цахим харилцааг өргөжүүлж, төрийн байгууллагын үйл ажиллагааны зардлыг бууруулна, 3 буюу Төрийн байгууллагын мэдээлэл ил тод, нээлттэй байдлыг хангаж, иргэд олон нийтийн саналыг цахимаар авах нөхцөлийг бүрдүүлэх;

6) [8.2.2] Аймгийн төвийн гэр хорооллын шинэчлэл, дэд бүтцийг сайжруулах ажлыг үе шаттай хэрэгжүүлэх. (Дэлгэрэнгүй мэдээллийг [www.new.unelgee.gov.mn](http://www.new.unelgee.gov.mn) цахим мэдээллийн сангаас харна уу.)

Санхүүжилтийн гүйцэтгэл: Үндсэн чиглэлд туссан 103 арга хэмжээг хэрэгжүүлэхэд 2022 онд 54.2 тэрбум төгрөг төсөвлөж, 23.2 тэрбум төгрөг буюу 31.0 хувийн санхүүжилтийн гүйцэтгэлтэй байна.

### 3.4. Аймгийн Засаг даргын үйл ажиллагааны хөтөлбөрийн хэрэгжилтийн үнэлгээ

Аймгийн Засаг даргын 2020-2024 оны үйл ажиллагааны хөтөлбөр 6 бодлого, 67 зорилтын хүрээнд 365 арга хэмжээг хэрэгжүүлэхээр төлөвлөсөн байна. Хөтөлбөрийн 2022 оны хэрэгжилтийг хянан үзэж, **68.2 хувиар** үнэлэв.

Хүснэгт 4. Засаг даргын 2020-2024 оны үйл ажиллагааны хөтөлбөрийн 2022 оны хэрэгжилт

Хэрэгжүүлсэн бодлого	Нийт	Үнэлгээ арга хэмжээний тоогоор				Дундаж үнэлгээ /%/
		Үр дүнтэй	Тодорхой үр дүнд хүрсэн	Эрчимжүүлэх шаардлагатай	Үр дүнгүй	
"Ковид-19" халдварт цар тахлаас үүдэлтэй эдийн засаг, нийгмийн хүндрэлийг даван туулах	8	2	5	1	-	<b>82.5</b>
Хүний хөгжил	169	42	87	29	11	<b>72.0</b>
Эдийн засаг	71	21	29	14	7	<b>70.6</b>
Засаглал	77	20	24	20	13	<b>60.8</b>
Ногоон хөгжил	19	11	4	1	3	<b>77.4</b>
Бүс орон нутаг, хөдөөгийн хөгжлийн бодлого	21	-	8	8	5	<b>43.8</b>
<b>Нийт</b>	<b>365</b>	<b>96</b>	<b>157</b>	<b>73</b>	<b>39</b>	<b>68.2</b>
<b>Үнэлгээнд эзлэх хувь</b>	<b>100.0</b>	<b>26.3</b>	<b>43.0</b>	<b>20.0</b>	<b>10.7</b>	

Эх сурвалж: Засгийн газрын Хяналт хэрэгжүүлэх газар

Аймгийн Засаг даргын үйл ажиллагааны хөтөлбөрийг хэрэгжүүлэх төлөвлөгөөнд тусгагдсан арга хэмжээнээс эрчимжүүлэх шаардлагатай 73 арга хэмжээ, хэрэгжээгүй 39 арга хэмжээ байна. Тухайлбал:

1) [2.1.9.2] Хавдрын эрт илрүүлэлтийн явуулын машинтай болох;

2) [2.2.1.3] Сумдад нийтийн биеийн тамирын арга зүйч ажиллуулах;

3) [2.2.3.1] Өсвөр, залуучууд, паралимпийн шигшээ багийг шинэчлэн байгуулж, улс, тив дэлхийн хэмжээний тамирчин бэлтгэх;

4) [2.2.4.3] Цэнгэлдэх хүрээлэн /наадмын талбай/-г засварлан байнгын үйл ажиллагаатай болгох;

5) [2.3.16.1] Цэцэрлэгийн гал тогоог техник, тоног төхөөрөмжөөр хангах. (Дэлгэрэнгүйг [www.new.unelgee.gov.mn](http://www.new.unelgee.gov.mn) цахим мэдээллийн сангаас харна уу.)

### 3.5. Аймгийн хөгжлийн жилийн төлөвлөгөөний хэрэгжилтийн үнэлгээ

Архангай аймгийн хөгжлийн 2022 оны төлөвлөгөөнд тусгагдсан 6 бодлого, 17 зорилт, 175 арга хэмжээний хэрэгжилтийг хянан үзэж, **70.9 хувиар** үнэлэв. Нийт арга хэмжээний 29.1 хувь нь үр дүнтэй, 40.0 хувь тодорхой үр дүнд хүрсэн, 22.9 хувь эрчимжүүлэх шаардлагатай, 8.0 хувь үр дүнгүй хэрэгжсэн байна.

Хүснэгт 5. Хөгжлийн жилийн төлөвлөгөөний хэрэгжилтийн үнэлгээ /хөгжлийн бодлогоор/, 2022 он

Хөгжлийн бодлого	Хэрэгжилтийн хувь				Нийт	Дундаж үнэлгээ /%/
	Үр дүнтэй	Тодорхой үр дүнд хүрсэн	Эрчимжүүлэх шаардлагатай	Үр дүнгүй		
Ковид-19 халдварт цар тахлаас үүдэлтэй хүндрэлийг даван туулах бодлого	4	2	-	-	6	96.7%
Хүний хөгжлийн бодлого	18	34	19	12	83	64.0%
Эдийн засгийн хөгжлийн бодлого	15	13	9	1	38	76.8%
Засаглалын бодлого	7	12	4	-	23	80.0%
Ногоон хөгжлийн бодлого	5	4	1	-	10	85.0%
Бүс орон нутаг, хөдөөгийн хөгжил	2	5	7	1	15	60.0%
<b>Нийт</b>	<b>51</b>	<b>70</b>	<b>40</b>	<b>14</b>	<b>175</b>	<b>70.9%</b>
<b>Үнэлгээнд эзлэх хувь</b>	<b>29.1%</b>	<b>40.0%</b>	<b>22.9%</b>	<b>8.0%</b>	<b>100.0</b>	<b>-</b>

Эх сурвалж: Засгийн газрын Хяналт хэрэгжүүлэх газар

Аймгийн хөгжлийн 2022 оны төлөвлөгөөнд тусгагдсан 175 арга хэмжээг 27.8 тэрбум төгрөгөөр санхүүжүүлэхээр төлөвлөсөн бөгөөд үүний 86.7 хувийг улсын төсвийн хөрөнгөөр, 13.3 хувийг орон нутгийн төсвийн хөрөнгөөр тус тус санхүүжүүлэхээр төлөвлөсөн. Санхүүжилтийн гүйцэтгэлээр нийт 22.1 тэрбум төгрөгийн санхүүжилтийг хийсэн нь нийт төлөвлөсөн дүнгийн 79.4 хувийг эзэлж байна.

### 3.6. Эдийн засаг, нийгмийн хөгжлийн үзүүлэлтийн биелэлтийн үнэлгээ

Архангай аймгийн эдийн засаг, нийгмийн хөгжлийн 45 үзүүлэлтийн биелэлтийг Үндэсний статистикийн хорооны Статистикийн мэдээллийн нэгдсэн сан (1212.mn), Байгаль орчин, аялал жуулчлал яам, Боловсрол, шинжлэх ухааны яам, Эрүүл мэндийн хөгжлийн төв зэрэг байгууллагын цахим хуудсанд байршуулсан мэдээлэлтэй тулган хянаж, зөрүүтэй байдлыг харгалзан үнэлгээг бууруулж, **88.0 хувиар** үнэлэв.

Хүснэгт 6. Эдийн засаг, нийгмийн хөгжлийн үзүүлэлтийн биелэлтийн үнэлгээ, 2022 он

Д/д	Зөрүүтэй шалгуур үзүүлэлт	Хэмжих нэгж	Зорилтот түвшин	Аймгаас ирүүлсэн	Бодит гүйцэтгэл	Үнэлгээ /%/
1	Дотоодын нийт бүтээгдэхүүн	тэрбум.төг	590.7	-	845.0	<b>90.0</b>
2	Хэрэглээний үнийн индекс	индекс	-	-	13.6	<b>0.0</b>

Эх сурвалж: Засгийн газрын Хяналт хэрэгжүүлэх газар

## ДӨРӨВ. БАЙГУУЛЛАГЫН ЧИГ ҮҮРГИЙН ҮЗҮҮЛЭЛТИЙН ҮНЭЛГЭЭ

### 4.1. Засгийн газрын гишүүн аймгийн Засаг даргатай байгуулсан гэрээний үүргийн биелэлтийн үнэлгээ

Архангай аймгийн Засаг даргын 2022 онд Засгийн газрын гишүүдтэй байгуулсан Засгийн газрын зарим чиг үүргийг орон нутагт төлөөлөн хэрэгжүүлэх гэрээний биелэлтийн дундаж **82.7 хувь** байна.

Хүснэгт 7. Засгийн газрын гишүүдтэй байгуулсан гэрээний биелэлт, 2022 он /хувиар/



Засгийн газрын гишүүн	Биелэлтийн хувь	Засгийн газрын гишүүн	Биелэлтийн хувь
Батлан хамгаалахын сайд	97.8	Эрүүл мэндийн сайд	84.3
Хууль зүй, дотоод хэргийн сайд	95.4	Хөдөлмөр, нийгмийн хамгааллын сайд	84.1
Боловсрол, шинжлэх ухааны сайд	93.0	Барилга, хот байгуулалтын сайд	80.0
Цахим хөгжил, харилцаа холбооны сайд	92.4	Байгаль орчин, аялал жуулчлалын сайд	78.5
Хүнс хөдөө аж ахуй, хөнгөн үйлдвэрийн сайд	89.4	Уул уурхай, хүнд үйлдвэрийн сайд	78.0
Эдийн засаг, хөгжлийн сайд	86.7	Соёлын сайд	77.2
Сангийн сайд	85.4	Гадаад харилцааны сайд	60.0
Эрчим хүчний сайд	85.0	Зам, тээврийн хөгжлийн сайд	55.5

Эх сурвалж: Яамд

#### 4.2 Байгууллагын гүйцэтгэлийн төлөвлөгөөний хэрэгжилт

Аймгийн Засаг даргын Тамгын газар 2022 онд 11 зорилго, 52 зорилтын хүрээнд 121 арга хэмжээг хэрэгжүүлэхээр гүйцэтгэлийн төлөвлөгөөнд тусгасан байна. Гүйцэтгэлийн төлөвлөгөөний хэрэгжилтийг хянан үзэж, **58.5 хувиар** үнэлэв.

Хүснэгт 8. Гүйцэтгэлийн төлөвлөгөөний хэрэгжилтийн үнэлгээ, 2022 он

№	Үндсэн чиглэл	Зорилт	Арга хэмжээ	Биелэлтийн хувь						Дундаж үнэлгээ /хувь/	
				Үр дүнтэй	Тодорхой үр дүнд хүрсэн			Эрчимжүүлэх шаардлагатай			Үр дүнгүй
					100	90	70	50	30		
1	Мэргэшсэн, тогтвортой төрийн албыг бэхжүүлж, төрийн үйлчилгээний үр дүн, үр нөлөөг дээшлүүлнэ.	14	35	5	6	4	6	-	14	46.3	
2	Төр, хувийн хэвшил, иргэний нийгмийн байгууллага, иргэдийн оролцоог нэмэгдүүлж, хууль сахиулах байгууллагын үйл ажиллагаанд дэмжлэг үзүүлэх	5	8	3	1	1	1	-	2	63.8	
3	Хөдөө аж ахуйд шинэ техник, технологи нэвтрүүлэх, эдийн засгийн үр өгөөжийг дээшлүүлэх.	8	22	6	5	4	3	-	4	67.3	
4	Байгаль орчинд ээлтэй, тогтвортой аялал жуулчлалыг хөгжүүлнэ.	3	7	1	-	1	3	1	1	50.0	
5	Хот байгуулалт, барилга дэд бүтэц	6	12	-	1	2	2	1	6	30.0	
6	Төсвийн бие даах чадварыг нэмэгдүүлэх	4	8	2	5	-	-	-	1	81.3	
7	Хүн амын хөдөлмөр эрхлэлтийг дэмжиж, боловсролтой, эрүүл монгол хүнийг бий болгох.	11	25	8	6	5	3	1	2	74.8	
8	Батлан хамгаалах бодлого үйл ажиллагааг орон нутагт хэрэгжүүлэх	1	4	1	1	-	1	-	1	60.0	
<b>Нийт</b>		<b>52</b>	<b>121</b>	<b>26</b>	<b>25</b>	<b>17</b>	<b>19</b>	<b>3</b>	<b>31</b>	<b>58.5</b>	

Эх сурвалж: Засгийн газрын Хяналт хэрэгжүүлэх газар

#### 4.3.Төрийн албан хаагчийн сургалт, ажиллах нөхцөл, нийгмийн баталгааг хангах хөтөлбөрийн хэрэгжилтийн үнэлгээ

Аймгийн Засаг даргын Тамгын газрын төрийн албан хаагчийн сургалт, ажиллах нөхцөл, нийгмийн баталгааг хангах хөтөлбөрийг хэрэгжүүлэх 2 зорилт, 7 арга хэмжээний хэрэгжилтийг хянан үзэж, **55.7** хувиар үнэлэв.

Хүснэгт 9. Хөтөлбөрийн хэрэгжилтийн үнэлгээ, хувиар

Зорилт	Үйл ажиллагаа	Үнэлгээ /хувь/
Хүний нөөцийг хөгжүүлэх, идэвхжүүлэх	1.Засгийн газар, төрийн байгууллага, бусад байгууллагаас албан хаагчдын мэдлэг, мэргэжлийг дээшлүүлэх чиглэлээр зохион байгуулсан дотоод сургалт	<b>70.0</b>
	2.Албан хаагчдыг хөгжүүлэх, мэргэшүүлэх чиглэлээр байгууллагын болон зохион байгуулагч талын зардлаар хамруулсан гадаад сургалт	<b>0.0</b>
	3.Албан хаагчдыг хөгжүүлэх, мэргэшүүлэх чиглэлээр зарцуулсан зардал, албан хаагчдын шилжилт хөдөлгөөн	<b>90.0</b>
Албан хаагчдын нийгмийн баталгааг хангах	4.Цалин хөлс, шагнал, урамшууллын тогтолцоог хэрэгжүүлэх	<b>100.0</b>
	5.Албан хаагчдын ажлын байрны хэвийн нөхцөлийг бүрдүүлэх	<b>0.0</b>
	6.Албан хаагчдын эрүүл мэндийг хамгаалах, урьдчилан сэргийлэх	<b>30.0</b>
	7.Албан хаагчдыг нийгмийн баталгааг хангах чиглэлээр зарцуулсан зардал	<b>100.0</b>
<b>Дундаж үнэлгээ</b>		<b>55.7</b>

Эх сурвалж: Засгийн газрын Хяналт хэрэгжүүлэх газар

## ТАВ. БАЙГУУЛЛАГЫН НЭЭЛТТЭЙ БАЙДЛЫН ҮНЭЛГЭЭ

### 5.1.Байгууллагын ил тод байдлын үнэлгээ

Аймгийн Засаг даргын Тамгын газрын үйл ажиллагааны ил тод байдлыг Нийтийн мэдээллийн ил тод байдлын тухай хуульд заасан үндсэн 5 төрлийн 46 мэдээлэл тус бүрээр хянан үзэж, **29.0 хувиар** үнэлэв. Энэ нь аймгуудын дундаж үнэлгээнээс 17.5 нэгж хувиар бага байна.

График 1. Мэдээллийн ил тод байдлын үнэлгээ (мэдээллийн төрлөөр)



Үнэлгээ хийх явцад тус байгууллагын цахим хуудас шинэчлэгдэж байгаа шалтгаанаар ажиллахгүй байсан бөгөөд үнэлгээг Засаг даргын харьяа байгууллагуудын цахим хуудас болон шилэн дансны цахим хуудаст оруулсан мэдээлэлд үндэслэн хийсэн болно.

Эх сурвалж: Засгийн газрын Хяналт хэрэгжүүлэх газар.

### 5.2.Шилэн дансны хөтлөлтийн үнэлгээ

Сангийн яамны “Төсвийн ерөнхийлөн захирагч нарын 2022 оны шилэн данс хөтлөлтийн байдалд хийсэн хяналт-шинжилгээ, үнэлгээний тайлан”-д тусгагдсанаар Архангай аймгийн Засаг даргын эрхлэх асуудлын хүрээний 109 байгууллага дунджаар 150 удаа мэдээлэл байршуулахаас 144 удаа мэдээллийг байршуулж, шилэн данс хөтлөлтийн үнэлгээ **96.0 хувь** байна.

Хүснэгт 10. Шилэн данс хөтлөлтийн үнэлгээ, 2022 он

Төсвийн ерөнхийлөн захирагч	Архангай аймгийн Засаг дарга
Харьяа байгууллагын тоо	109
Нэг байгууллага дунджаар мэдээлэл байршуулах	150
байршуулах давтамжийн тоо	байршуулсан
	144



## ДОЛОО. ДҮГНЭЛТ

Засгийн газрын 2020 оны 206 дугаар тогтоолоор баталсан “Бодлогын баримт бичгийн хэрэгжилт, захиргааны байгууллагын үйл ажиллагаанд хяналт-шинжилгээ, үнэлгээ хийх нийтлэг журам”-ын дагуу тус аймгийн бодлогын баримт бичгийн болон хууль тогтоомж, бодлого шийдвэрийн хэрэгжилт, байгууллагын 2022 оны үйл ажиллагаанд хяналт-шинжилгээ, үнэлгээ хийж, нэгтгэн дүгнэв.

Архангай аймгийн Засаг даргын Тамгын газрын 2022 оны үйл ажиллагаанд хийсэн хяналт-шинжилгээ, үнэлгээний дүнгээр бодлогын баримт бичгийн хэрэгжилтэд хийсэн үнэлгээний дундаж **71.2** хувь, байгууллагын чиг үүргийн үзүүлэлтийн үнэлгээний дундаж **67.9** хувь, байгууллагын нээлттэй байдлын үнэлгээний дундаж **64.2** хувь, Монгол Улсын хөгжлийн бодлого, төлөвлөлтийн баримт бичигт туссан Засгийн газрын тэргүүлэх ач холбогдолтой төсөл, арга хэмжээний хэрэгжилт **64.1** хувь, ерөнхий үнэлгээ **67.94 хувь** байна.

Хүснэгт 13. Архангай аймгийн Засаг даргын Тамгын газрын 2022 оны үйл ажиллагааны үнэлгээний дүн

№	Үзүүлэлт		Хэрэгжилтийн хувь
1	Бодлогын баримт бичгийн хэрэгжилтийн үнэлгээ	Хууль тогтоомж, тогтоол шийдвэрийн биелэлт	<b>71.4</b>
		Засгийн газрын үйл ажиллагааны хөтөлбөрийн хэрэгжилт	<b>57.8</b>
		Архангай аймгийн Засаг даргын үйл ажиллагааны хөтөлбөрийн хэрэгжилт	<b>68.2</b>
		Архангай аймгийн хөгжлийн 2022 оны төлөвлөгөөний хэрэгжилт	<b>70.9</b>
		Эдийн засаг, нийгмийн хөгжлийн үзүүлэлтийн биелэлт	<b>88.0</b>
2	Байгууллагын чиг үүргийн үзүүлэлтийн үнэлгээ	Засгийн газрын гишүүн аймгийн Засаг даргатай байгуулсан гэрээний үүргийн биелэлт	<b>82.7</b>
		Байгууллагын 2022 оны гүйцэтгэлийн төлөвлөгөөний хэрэгжилт	<b>58.5</b>
		Төрийн албан хаагчийн сургалт, ажиллах нөхцөл, нийгмийн баталгааг хангах хөтөлбөрийн биелэлт	<b>55.7</b>
3	Байгууллагын нээлттэй байдлын үнэлгээ	Байгууллагын ил тод байдал	<b>29.0</b>
		Шилэн дансны хөтлөлт	<b>96.0</b>
		Шударга байдлын түвшин	<b>70.0</b>
		Хэрэглэгчийн үнэлгээ	<b>62.0</b>
4	Монгол Улсын хөгжлийн бодлого, төлөвлөлтийн баримт бичигт туссан Засгийн газрын тэргүүлэх ач холбогдолтой төсөл, арга хэмжээний гүйцэтгэл	Засгийн газрын тэргүүлэх ач холбогдолтой төсөл, арга хэмжээг үнэлэх шалгуур үзүүлэлтийн биелэлт	<b>64.1</b>
<b>Оноо</b>			<b>3.39</b>
<b>Ерөнхий үнэлгээ</b>			<b>67.94</b>

Эх сурвалж: Засгийн газрын Хяналт хэрэгжүүлэх газар

Хяналт-шинжилгээ, үнэлгээний дүнгээр хууль тогтоомж, тогтоол шийдвэрийн хэрэгжилт хангалтгүй болон хэрэгжээгүй 18 зүйл заалт, Засгийн газрын үйл ажиллагааны хөтөлбөрийг хэрэгжүүлэх арга хэмжээ, аймгийг хөгжүүлэх таван жилийн үндсэн чиглэл, аймгийн Засаг даргын үйл ажиллагааны хөтөлбөр, аймгийн хөгжлийн жилийн төлөвлөгөө, байгууллагын гүйцэтгэлийн төлөвлөгөөний хэрэгжилтийн үнэлгээгээр үр дүнгүй гэж үнэлэгдсэн нийт 58 арга хэмжээ тус бүрийг хяналтад авч, хэрэгжилтийн байдалд дүгнэлт хийж, 2023 оны төлөвлөгөөнд нэмэлтээр тусган хэрэгжилтийг бүрэн хангах арга хэмжээ авах, хэрэгжүүлэх үйл ажиллагааны удирдлага, зохион байгуулалтыг сайжруулж, сахилга хариуцлагыг дээшлүүлэх нь зүйтэй байна.

Засгийн газрын 2020 оны 217 дугаар тогтоолын хавсралтаар баталсан “Байгууллагын гүйцэтгэлийн төлөвлөгөө боловсруулах, гүйцэтгэлийн шалгуур үзүүлэлтийг тогтоох, тайлан гаргах журам”, Засгийн газрын Хэрэг эрхлэх газрын даргын мөн оны 100

дугаар тушаалын 3 дугаар хавсралтад заасан аргачлалын дагуу байгууллагын гүйцэтгэлийн төлөвлөгөө боловсруулж, стратеги төлөвлөгөөний зорилго, зорилтыг хэрэгжүүлэхэд чиглэсэн бодитой, биелэгдэхүйц, шалгуур үзүүлэлт нь тодорхой, хэмжигдэхүйц байхаар төлөвлөх, гүйцэтгэлийн тайлан нь иж бүрэн, алдаа мадаггүй, илтгэл үнэмшил төрүүлэхүйц үр дүнд суурилсан байхад анхаарах шаардлагатай байна.

Нийтийн мэдээллийн ил тод байдлын тухай хууль хэрэгжиж эхэлсэнтэй холбоотойгоор хуульд заасан мэдээллийг ил тод, нээлттэй болгож, иргэдийг үнэн зөв, бүрэн, ойлгомжтой мэдээллээр хангах, мэдээллийн үйлчилгээг шуурхай, хялбар болгоход анхаарч, хуулийг хэрэгжүүлж ажиллах шаардлагатай байна.

### **НАЙМ. ЗӨВЛӨМЖ**

Архангай аймгийн Засаг даргын Тамгын газрын 2022 оны үйл ажиллагаанд хийсэн хяналт-шинжилгээ, үнэлгээний дүнг үндэслэн цаашид дор дурдсан асуудалд анхаарал хандуулж, удирдлага, зохион байгуулалтын тодорхой арга хэмжээ авч хэрэгжүүлэхийг Зөвлөмж болгож байна.

#### **Бодлого, үйл ажиллагааны төлөвлөлтийг сайжруулах талаар:**

1.Бодлогын баримт бичгийг боловсруулахдаа Хөгжлийн бодлого, төлөвлөлт түүний удирдлагын тухай хуулийн 10 дугаар зүйлийн 10.1.5-д заасан судалгаа, шинжилгээнд үндэслэсэн байх зарчмын хүрээнд тухайн зорилт, арга хэмжээг хэрэгжүүлэх үйл явц, үе шат, хэрэгжих хугацаа, гарах үр дүн, өмнөх жилийн гүйцэтгэл, тулгамдаж байгаа асуудал зэргийг нарийвчлан судалж, судалгааны үр дүнг төлөвлөлтөд ашиглаж хэвших;

2.Хөгжлийн бодлогын зорилго, зорилт, арга хэмжээг үр дүнд чиглүүлж, арга хэмжээний шалгуур үзүүлэлт, суурь болон зорилтот түвшинг тодорхой, оновчтой, үр дүнг илэрхийлэхүйц, хэмжих боломжтой байдлаар тодорхойлох;

3.Бодлогын арга хэмжээг хэрэгжүүлэхэд шаардагдах санхүүжилт, түүний эх үүсвэрийг үндэслэл, тооцоо, судалгаанд үндэслэн бодитой төлөвлөх;

4.Хөгжлийн бодлого, төлөвлөлт түүний удирдлагын тухай хуулийн 5.2.13-д заасны дагуу хөгжлийн бодлого, төлөвлөлтийн баримт бичгийн төслийг боловсруулахдаа холбогдох төрийн болон төрийн бус байгууллага, эрдэм шинжилгээ, судалгааны байгууллага, мэргэжлийн холбоод, хувийн хэвшил, иргэд, сонирхлын бүлгийн оролцоог хангаж ажиллах;

5.Аймгийн эдийн засаг, нийгмийн хөгжлийн үзүүлэлтийг боловсруулахдаа тухайн асуудал хариуцсан төрийн захиргааны төв байгууллагатай хамтран ажиллаж, эдийн засаг, нийгмийн төлөв байдлын талаарх албан ёсны статистик үзүүлэлтэд суурилж, салбарын бодлоготой уялдуулан аймгийн эдийн засаг, нийгмийн хөгжлийн онцлогийг харгалзан тодорхойлох.

#### **Бодлогын баримт бичиг, төлөвлөгөөний хэрэгжилтийг хангах талаар:**

1.Бодлогын баримт бичиг, хөтөлбөр, төлөвлөгөөний хэрэгжилтийг оны эхнээс жигд ханган хэрэгжилтийн явцад байнгын хяналт тавьж, хэрэгжилт удаашралтай, хангалтгүй арга хэмжээний хэрэгжилтийг эрчимжүүлэх талаар тодорхой арга хэмжээ авч, тухайн жилийн хэрэгжилтийг бүрэн хангах;

2.Бодлогын баримт бичгийн төлөвлөгөөг хэрэгжүүлэх үйл ажиллагааны уялдаа холбоог хангаж, хэрэгжилтийг үр дүнд чиглүүлэн зохион байгуулж, тулгамдсан асуудлыг шийдвэрлэж ажиллах;

3.Монгол Улсын хөгжлийн бодлого, түүнийг хэрэгжүүлэх үйл ажиллагааны төлөвлөгөө, хөтөлбөрт тусгагдсан төсөл, арга хэмжээг хэрэгжүүлэхэд оролцогч талуудтай хамтарч ажиллах.

#### **Хэрэгжилтийн тайлагналыг сайжруулах талаар:**

1.Бодлогын баримт бичгийн хэрэгжилт, байгууллагын гүйцэтгэлийн төлөвлөгөөний биелэлтийг богино хугацааны үр дүн, дунд хугацааны үр нөлөөг илэрхийлэх тоон болон чанарын шалгуур үзүүлэлтийн дагуу бүрэн, үнэн зөв тайлагнаж байх;

2.Санхүүжилтийн гүйцэтгэл, эх үүсвэрийг арга хэмжээ бүрээр бүрэн тайлагнаж, жилийн эцсийн байдлаарх өссөн дүнг хагас жилийн гүйцэтгэлтэй тулган хянаж байх;

3.Засгийн газрын хяналт-шинжилгээ, үнэлгээний [www.new.unelgee.gov.mn](http://www.new.unelgee.gov.mn) мэдээллийн цахим санд тухайн арга хэмжээний хэрэгжилтийг баталгаажуулах нотлох баримтыг хавсаргаж байх;

4.Байгууллагын гүйцэтгэлийн төлөвлөгөөний биелэлтийг тайлагнахдаа Засгийн газрын 2020 оны 217 дугаар тогтоолоор шинэчлэн баталсан “Байгууллагын гүйцэтгэлийн төлөвлөгөө боловсруулах, гүйцэтгэлийн шалгуур үзүүлэлтийг тогтоох, тайлан гаргах журам”, Засгийн газрын Хэрэг эрхлэх газрын даргын 2020 оны 100 дугаар тушаалын 7 дугаар хавсралтаар баталсан” Байгууллагын гүйцэтгэлийн тайлангийн загвар”-ыг баримтлах;

5.Аймгийн эдийн засаг, нийгмийн хөгжлийн үзүүлэлтийн гүйцэтгэлийн мэдээлэлд шалгуур үзүүлэлт бүрийн албан ёсны эх сурвалжийг оруулах.

#### **Байгууллагын ил тод, нээлттэй байдлыг хангах талаар:**

1.Нийтийн мэдээллийн ил тод байдлын тухай хуулийн 8.12-т заасны дагуу байгууллагын цахим хуудас, мэдээллийн самбарыг заавал ажиллуулж, цахим хуудсаар нээлттэй мэдээлэлтэй танилцах нөхцөлийг бүрэн хангах;

2.Нийтийн мэдээллийн ил тод байдлын тухай хуулийн 8.2, 8.3, 8.4, 8.5, 8.6-д заасан мэдээллийг байнга ил тод, нээлттэй байлгах арга хэмжээ авч ажиллах;

3.Байгууллагын цахим хуудсыг “Төрийн байгууллагын вэб сайтад тавих шаардлага MNS 6285:2017 стандарт”-ын дагуу хөтөлж, хэвшүүлэх.

#### **Хяналт-шинжилгээ, үнэлгээний үр дүн, үр нөлөөг сайжруулах талаар:**

1.Хөгжлийн бодлого, хөтөлбөр, төлөвлөгөө боловсруулах үйл явцад хяналт-шинжилгээ, үнэлгээний нэгжийн үүрэг, оролцоог нэмэгдүүлэх;

2.Төлөвлөсөн арга хэмжээний хэрэгжилтийг шалгуур үзүүлэлт, суурь түвшин болон зорилтот түвшин, хүрсэн үр дүнг үндэслэн үнэн зөв, бодитой үнэлэх;

3.Бодлогын зорилт, арга хэмжээний хэрэгжилтийн явц, үр дүнд холбогдох төрийн болон төрийн бус байгууллага, иргэд, олон нийтийн оролцоотойгоор хөндлөнгийн үнэлгээ хийж, аймгийн удирдлага болон хариуцсан нэгжид дүгнэлт, зөвлөмж хүргүүлж, хамтран ажиллах зэрэг болно.

## **ЗАСГИЙН ГАЗРЫН ХЯНАЛТ ХЭРЭГЖҮҮЛЭХ ГАЗАР**